

Çîroka jîyanê



Deverên mirov lê peyda bûn
Semta kuçkirin û belavbûna mirovan

Zirmirov



Berî bi çendîn milyon salan canewerek li ser erdî hebû ku nîşanên mirovan lê hebûn. Hestîyên wî canewerî li Rojhelata Efrîka hatine dîtin. Ji hestîyên wî dîyar bû ku ew canewer li ser du pîyan radiwestîya û bi rêve diçû û hindek amîrên sade wek dar û beran bi kar di înan. Lê mejîyê wî gelekê biçûk bû ji ber hindê ji regezê mirovan nahête hijmartin.

Mirovên Destpêkê:

Mirovê bikêrhatî (Homo Habilis): Berî du milyon salan peyda bûyîne. Li ser du pîyan bi rêve diçû. Hestîyên wî li rojhelata efrîka û li asiya hatîne dîtin. Hindek kar encam didan wek helkirina agirî ji bo xwe pê germkirinê û xwarinlênanê. Ev gîyandare bi kevintirîn bapîrê mirovan dihête hijmartin.

Mirovê Nîyandirtal:

Mirovekê jîr bû ye. Berî çil hizar salan peyda bûyî ye û şiyaye xwe digel sir û sermayê bi guncînît. Ji ber hindê jî şiyaye li rojhelata navîn û Ewrûpa bijît. Vî mirovî amîrên xwe ji berî çêdikirin. Berî (28) hizar salan mirovê nîyandirtalê di wî mahîyê li Sîpanîya mirîye û bi mirina wî ev nîşê mirovan vebrîyaye.

Mirovên Şikeftan:

Ev mirove nêçîrvan bûn. Jîyana wan li ser berê daristanê û nêçîrkirina canewerên kuvî bûyî ye û di şikeft û kulkên sade ve dijîyan. Ev mirove nêzîktirîn bapîrê mirovê evro bûyî ye. Tiştê herê sernicirakêş li def mirovê şikeftan dahênana hunerî bûyî ye û vî mirovî dest bi nîgarkêşanê li ser dîwarên şikeftan kirîye ku ew nîgar li hindek şikeftên Firensa û Sîpanîya hatîne vedîtin.




Hindek kel û pelên ji berî hatîne çêkirin.







Xişl û çekê xemlandinê



Kulkekê ji dar û pîstê canew-
eran hatiye çekirin û banê wê
bi kêlpên (mamot)î hatiye
dapoşîn.



Nîgarkêşan li ser dîwarê şikeftê



Mirovekê agirî hel diket. Ji (10)
heta (20) deqîqeyan pêdivîya heta
agir hel dibû.

Wêneyekê aşopî li ser jîyana komeka nêçîrvanan berî (2500) salan.

